

SCRIPT OF EVENING GOJRI NEWS BULLETIN 18DEC 2025

1700HRS

ایوننگ گوجری نیوز بولٹن 18 دسمبر 2025

یوہ آکاشوانی جموں ہے ظفر اقبال تے نصرت چودھری تیں خبر سُنو۔

HEADLINES

- ۱۔ جموں مانہ مرکزی زیر انتظام سطح غی سلامتی کانفرنس گو انعقاد ہوو۔
- ۲۔ مرکزی حکومت نے امرت بھارت منصوبہ غے تحت جموں کشمیر غا چار ریلوے اسٹیشن ناہہ جدید بنان واسطے مُنتخب کیوہے۔
- ۳۔ مرکزی حکومت غے مطابق جموں کشمیر مانہ ریلوے نیٹ ورک غی سو فیصد بجلی کاری مکمل کر لی گئی ہے۔
- ۴۔ جموں کشمیر تے لداخ ہائی کورٹ نے سال 2026 واسطے سرمائی چھٹیاں غو اعلان کیوہے۔
- ۵۔ محکمہ موسمیات غے مطابق مغربی ہواواں غو سلسلو 20 تے 21 دسمبر ناہہ علاقہ مانہ برف باری غو سبب بنے غو۔

SECURITY CONFERENCE

حُکام نے دسیو ہے جے لیفٹیننٹ گورنر منوج سنہا غی صدارت مانہ ایک سلامتی کانفرنس اج شروع ہوئی جس مانہ جموں کشمیر غے متعلق حفاظتی انتظامات غا بکھ بکھ پہلوں ور تبادلہ خیال تے جائیزو لیوگیو مرکزی زیر انتظام علاقہ سطح غی حفاظتی کانفرنس قومی ڈائریکٹر جنرل آف پولیس تے آئی جی پی غی موجود گی مانہ منعقد کی جارہی ہے یہ کانفرنس جموں غا مضافات جگتی مانہ واقع آئی آئی ٹی کیمپس مانہ شروع ہوئی پولیس گا ڈائریکٹر جنرل نلین پرہات غے علاوہ پولیس بی ایس ایف تے سی آر پی ایف غا آئی جی پی ، انٹیلیجینس افسراں تے دیگر عہدیدار کانفرنس مانہ حصو لے رہیاہیں قابل ذکر ہے جے اس کانفرنس مانہ حفاظتی انتظامات غا تمام پہلوں ور تبادلہ خیال کیو جے غو۔

AMRIT BHARAT STATIONS

ریلوے غی وزارت نے امرت بھارت اسٹیشن سکیم غے تحت جموں کشمیر غا کُجھ ریلوے سٹیشن ناہہ نوی شکل دین واسطے مُنتخب کیوہے۔ آکاشوانی جموں غا نمائندہ غے مطابق ، گزشتہ روز لوک سبھا مانہ ریلوے وزیر اشونی ویشنو نے دسیو کہ جن سٹیشن ناہہ دوبارہ تیں تعمیر کرن واسطے چُنیو گیوہے اُن مانہ بڈگام، جموں توی، شہید کپٹن تشار مہاجن سٹیشن، ادھمپور تے شری ماتا ویشنو دیوی کُٹرا شامل ہیں۔ اُنہاں نے لوک سبھا ناہہ دسیو کہ پورا ملک مانہ ہُن توڑی 160 ریلوے سٹیشن ور کم مکمل ہو چُکوہے جموں کشمیر مانہ بڈگام، جموں توی، شہید کپٹن تشار مہاجن سٹیشن ور اہم کم مکمل ہو چُکوہے تے باقی سہولتاں ور کم جاری ہے۔

RLY NETWORK ELECTRIFICATION

مرکزی حکومت نے اعلان کیو ہے کہ جموں کشمیر مانہہ براڈ گاج ریلوے لائن غی سو فیصد بجلی کاری مکمل ہو گئی ہے جہیڑی ایک بڑی کامیابی ہے۔ آکاشوانی جموں ن غانمانندہ غے مطابق ریلوے وزیر اشونی ویشنو نے لوک سبھا مانہہ تحریری جواب مانہہ دسیو کہ پورا ملک مانہہ ریلوے لائن غی، بجلی کاری مشن، غا طور ور کی جارئی ہے۔ تے جموں کشمیر اُن ریاستاں تے مرکزی زیر انتظام علاقان مانہہ شامل ہے جت براڈ گاج ریلوے غی مکمل بجلی کاری ہو چکی ہے۔ وزیر نے کہیو کہ اس تیں ریلوے غو نظم بہتر وے غو، ڈیزل ور انحصار کھٹ ور غو تے ماحول دوست ریلوے نانہہ فروغ لبے غو۔

GRAM G BILL

لوک سبھانے وکست بھارت روزگار تے اجویکا مشن گرامین واسطے گارنٹی وکست بھارت گرام جی رام جی بل 2025 نانہہ منظور کر دتو ہے قابل ذکر ہے جے یوہ قانون 20 سال پرانہ مہاتما گاندھی نیشنل رورل ایمپلائمنٹ گارنٹی ایکٹ 2005 غی جگہ لے گو یوہ بل وکست بھارت 2047 غا نظریہ نانہہ پورو کرن واسطے دیہی علاقہ غی ترقی واسطے تے بہتر کم کرے گو اس قانون غے تحت ہر مالی سال مانہہ ہر دیہی گھرانہ نانہہ ایک سو 25 دن غی اجرت غی ملازمت لبے غی جس مانہہ ہر بالغ تے غیر ہتر مند دستی کم کرن آلو وی شامل وے غو مرکزی حکومت تے ریاستی حکومتا غے بشکار فنڈ تقسیم کرن غو نظام شمال مشرقی تے ہمالیائی ریاستا غے علاوہ تمام ریاستاں واسطے 60:40 وے غو جس مانہہ اشتراک غو انتظام 90:10 وے غو۔

POLIO VACCINE

جموں کشمیر مانہہ قومی حفاظتی ٹیکہ خوراک تہاڑو 2025 جہڑو پلس پولیس مہم غے تحت 21 دسمبر نانہہ شروع وے غو جس مانہہ سفر توں 5 سال غی عمر غا 19 لکھ تیں متا بچاں نانہہ پولیو غی خوراک پلائی جے غی اس مہم غے دوران 22 تے 23 دسمبر نانہہ کھر کھر جاغے اُن بچاں نانہہ پولیو غی دوا پلائی جے غی جہڑا اس دوا نانہہ پین توں کسے وجہ سنگ رہ جیں گا عہدے داراں نے دسیو ہے جے تقریباً 10 ہزار 9 سو 93 بوتھ 248 ٹرانسٹ پائینٹ تے 518 موبائل ٹیم تعینات کی گئی ہیں تعاون نانہہ متحرک کرن تے ہر بچہ نانہہ پولیو تیں پاک رکھن واسطے اس گل نانہہ یقینی بنانو ہے جے ہر بچہ نانہہ پولیس خوراک غا 2 قطرہ پلایا جیں تے اس طرح جموں کشمیر نانہہ پولیس تو مکت بنایو جے اس سلسلہ مانہہ گل بات کرتا واں جموں کشمیر غا ریاستی ٹیکہ خوراک محکمہ غا افسر ڈاکٹر شاہد حسین نے کج اس طرح کہیو۔

HIGH COURT VACATIONS

جموں کشمیر تے لداخ ہائی کورٹ نے سال 2026 واسطے سرمائی چھٹیاں غو باقاعدہ اعلان کر دتو ہے۔ یوہ حکم رجسٹرار جنرل غی جانب تیں جاری کیو گیو ہے ، نوٹفیکیشن غے مطابق ہائی کورٹ مانہہ پہلی جنوری تیں 24 جنوری 2026 توڑی سرمائی چھوٹیاں ویں غی۔ پہلی جنوری تیں 10 جنوری 2026 توڑی ہائی کورٹ واسطے مکمل طور ور، کم بند رہن، غو عرصو قرار دتو گیو ہے۔ حکم مانہہ دسیو

گیو ہے کہ جموں کشمیر ہائی کورٹ قوانین 1999 کا اصول 12 کے تحت، چیف جسٹس نے چھٹیاں کے دوران فوری نوعیت کے مقدمات کی سماعت واسطے، مقررہ جج نامزد کیا ہیں۔

RTOs/ARTOs-Exe MAGISTRATES

حکومت نے مرکزی زیر انتظام علاقہ مانہ اپنا اپنا دائرہ اختیار کے اندر تمام ریجنل ٹرانسپورٹ افسر کے اسٹینڈ ریجنل ٹرانسپورٹ افسر مانہ ایگزیکٹیو مجسٹریٹ کے اختیارات دے دتا ہیں۔ آکاشوانی جموں کے نمائندہ کے مطابق اس فیصلہ کے مقصد پورا مرکزی زیر انتظام علاقہ مانہ ٹرانسپورٹ کے سڑکوں کی حفاظت میں متعلق قوانین مانہ مزید مضبوطی میں نافذ کرنے ہیں۔ تانجے آر ٹی اوز کے آر ٹی اوز اپنی حدود مانہ قانون کے خلاف ورزی اور مجسٹریٹ کے طور پر کارروائی کر سکیں۔ محکمہ قانون، انصاف کے پارلیمانی امور کے جانب میں جاری سرکاری نوٹیفکیشن کے مطابق یوہ فیصلہ بھارتی ناگرک سرکشا سنہ 2023 کے دفعہ 14 کے ذیلی دفعہ ایک کے تحت لیا گیا ہے۔

RAMBAN PGKO

پرشاسن گراں کے اور، مہم 19 دسمبر میں 25 دسمبر 2025 توڑی چلائی جارہی ہے ضلع انتظامیہ رام بن اس مہم کے دوران بہتر تال میل، منصوبہ بندی، عوام توڑی موثر رسائی کے عوامی شکایات کے حل اور خاص توجہ دے رہی ہے۔ اس مہم کے تحت چیف میڈیکل افسر رام بن نے ہدایت جاری کی ہیں کہ مہم کے دوران صحت کیمر لایا جائے گا تانجے لوکان مانہ بنیادی طبی سہولیات مل سکے کے ڈاکٹران میں مشورو حاصل ہوسکے اس کے نال نال آبہاء آئی ڈی کے اندراج مانہ وی اضافو کیو جا سکے۔ دوجے پاسے محکمہ صحت، اس گل مانہ یقینی بناوے گو، کہ عوام مانہ مختلف صحت کے سکیمان کے فائدو لیے، پی ایم صحت سکیم مانہ فروغ دتو جے کے سمادھان پورٹل جیسا ڈیجیٹل ہیلتھ اقدامات مانہ عام کیو جے۔ اس بارے مزید تفصیلات سانجہ کرتا وان، سی ایم او رام بن، کمل جی زڈو نے اس طرح کہیو۔

RAJOURI PGKO

گڈ گورننس ویک سال 2025 کے تحت پرشاسن گراں کے اور، مہم ضلع راجوری مانہ 19 دسمبر میں شروع ہو رہی ہے اس سلسلہ مانہ ڈپٹی کمشنر راجوری ابھیشیک شرما نے دسیو کہ تمام ضروری تیاریاں مانہ مکمل کرلیو گیو ہے انہاں نے کہیو کہ ضلع کے مختلف بلاکس مانہ 43 کیمر لایا گیا ہیں کے کیمران مانہ بہتر طریقہ سنگ چلان واسطے افسران کے تعیناتی کردتی گئی ہیں۔ ڈپٹی کمشنر نے عوام میں اپیل کی کہ وہ آگے آئیں کے ان کیمران میں زیادہ میں زیادہ فائدو چائیں۔ آکاشوانی کے خبران آلا شعوبہ سنگ گل کرتا وان ڈی سی راجوری ابھیشیک شرما نے اس طرح کہیو۔

WEATHER

محکمہ موسمیات نے آن آلا دناں مانہ جموں کشمیر کے کئی حصاں مانہ بادل چھایا رین کے ہلکی توں درمیانی درجہ کے برف باری کے بارش کے امکان بارے کہیو ہے۔

آكاشواني جمون غا نمائنده غے مطابق اڄ تين كل موسم جزوي طور ور ابرآلود
رہن غي توقع ہے جدك شمالي كشمير غا كُجھ علاقاں مانہہ ہلكي برف باري
ہوسكے۔ 20 تے 21 دسمبر نانہہ پورا خطہ مانہہ عام طور ور بادل چھايا رين گا۔
كشمير غا كُجھ اُچا علاقاں مانہہ ہلكي برف باري غي توقع ہے۔ تے جمون كشمير غا
ميداني علاقاں مانہہ 20 دسمبر غي رات تين 21 دسمبر غي دوپہر توڑي ہلكي تين
درميانہ درجہ غي بارش ہوسكے۔
